

Aneermermi iperagaanermilu il.il kiisalu TV-kkut radiokkullu aallakaatitsinerni ilisaritinneqarlunilu oqaloqatigineqarnerni nalunaaruteqartarnissamik Kalaallit Nunaannut nalunaarut

Kalaallit Nunaannut eqqartuussinikkut inatsimmi § 336 b, imm. 3 naapertorlugu, tak. Inatsimmik nalunaarut nr. 1581, 13. december 2016, allannngortinneqartoq inatsimmi nr. 572, 10. maj 2022-imeersumi, makku aaliangerneqarput :

Kapitel 1

Aaqqiissummut tunngasut

§ 1. Suliani, sakkortuumik pinerluuteqarnermut atatillugu inissiisarfimmut inissinneqarnissamik pineqaatissiisoqarsimappat, tassanilu persuttaasimaneq, qunusaarisimaneq imaluunniit tamanna inummut allamut uloriarnartumik pinerliisinnaanermik imaqartillugit, imaluunniit kinguaassiuutitigut pinerliisoqarsimatillugu, nalunaarut pineqartumi malittarisassaasut naapertorlugit eqqugaasimasoq saaffiginnissuteqarnikkut ilisimatinneqarsinnaavoq, pinerliisimasoq siullermeersumik nakkutiginnittumik ilaqarani inissiisarfimmit (aneerluni) anissappat aamma iperagaassappat aamma pineqartoq qimaasimappat. Aamma malittarisassat pineqartut tunngavigalugit eqqugaasimasoq saffiginnissuteqarnikkut ilisimatitsissuteqarfigineqarsinnaavoq, pillaatissinneqarsimasoq inissisimatitaanermi ingerlanerani inissiisarfiup silataani Kalaallit Nunaanni TV-kkut radiukkulluunniit immiussinermi peqataasimasoq, tassani pingaaruteqartut inuttarineqarluni imal. pineqartoq kalaallit aviisiini apersorneqarluni ilisaritinneqarsimappat. Tamanna aamma atuuppoq pineqartoq inissiiviusup akuersisimanera ilisimaarisaanik tunngaveqartumik silamiissimappat TV-mut radiumulluunniit inissiiviusup silataani peqataatinneqarlunilu apersorneqarluni.

Imm. 2. Imm. 1-imi malittarisassiat aamma atorneqassapput, pineqaatissinneqarsimasoq inissiisarfimmut inissinneqarani napparsimavimmut inissinneqartussatut pineqaatissinneqarsimappat pinerlunnermut inatsimmi § 157 naapertorlugu, tigummigallagassanngortitaasimappat pinerluttulerinermi inatsit § 161 malillugu, imaluunniit tarnimikkut napparsimasut inaannut pinerluttunik isumaginnittoqarfiup ataani Danmarkimi inatsisit atuuttut malillugit inissinneqartussanngorlugu pineqaatissinneqarsimappat.

Imm. 3. ilisimatitsissuteqarneq taamaallat pissaaq, pineqaatissinneqartoq pineqatissiinermik aalajangiisoqarsimatinnaguli tigummineqarsimappat aammalu pineqaatissiinermik aalajangiisoqarnissap tungaanut iperagaqqasimangippat.

Imm. 4. Ilisimatitsinissaq itigartinneqarsinnaavoq, pisut iluini pineqaatissinneqartumut atatillugu pingaaruteqartunik mianerisassaqqarpas.

Kapitel 2

Saaffiginnissummik suliarinninnissaq

§ 2. Ilisimatinneqarnissamik saaffiginnissuteqarneq pissaaq Kalaallit Nunaanni Politiinut.

Imm. 2. Qaqugukkulluunniit saaffiginnissummik tunniussisoqarsinnaavoq suliarineqassallunilu Kalaallit Nunaanni Politiinit tamanna tiguneqarniariarpat, kisiannili saaffiginnissut aatsaat aalajangiivigineqassaaq eqqartuussivikkoortitsinerup inernerata kingorna.

§ 3. Nalunaarut una malillugu aaliangiineq politidirektørimit pissaaq.

Imm. 2. Politidirektørip aalajangiussaa qaffasinnerusumik oqartussaasunut maalaarutigineqarsinnaanngilaq.

§ 4. Inunnut paasissutissanik inatsimmi paasissutisseqqusaanermut aalajangersakkat, Kunngip peqqussuteqarneratigut Kalaallit Nunaannut peqqussut nr. 1238, 14. oktober 2016-imeersoq, naapertorlugu pineqaatissinneqartumut atuutsinneqqanngillat.

Kapitel 3

Ilisimatitsissuteqarneq

§ 5. Eqqugaasimasooq pineqartumut atatillugu saaffiginnissuteqarsimappat, eqqugaasimasooq ilisimatitsissuteqarfineqassaaq, pineqaatissinneqarsimasooq qaqugukkut siullermeersumik nakkutigineqarnani (aneerluni) anissasooq aammalu qaqugukkut iperagaasussaasooq, tamatuma ataani aamma eqqugaasimasooq ilisimatitsivigineqarsinnaavoq misiligummik iperagaanissaq imal. pisuujuunnaartitsineq kiisalu arlaatigut qimaasimaneq pillugit.

Imm. 2. Qanoq suliap inaarneqarnissaanik kinguartitsinermik aaliangiisoqarpat imal. pineqaatissinneqarsimasooq pinerlunnermut inatsimmi § 234 malillugu, piffissami aaliangersimasumi imal. pineqaatissiissutip sinnera tamaat napparsimmavimmut unitsinneqassaappat, ilaqutariinnut inissinneqarluni, ingerlatsiviusumulluunniit piukkunnartumut inissinneqarluni, taamaammallu pineqaatissinneqarsimasooq immikkut akuerineqaaqaarani nakkutigineqarani aneersinnaatitaalluni, taava taamaattut nakkutigineqarani aneernertut nalilerneqarlutik tamatumunnga sanillunneqassappat, tak. imm. 1.

Imm. 3. Pineqaatissinneqarsimasooq napparsimmavimmiittussanngortitaappat imal. nakkutigineqartumik inissivimmiuttussanngortitaalluni il.il., taava pinerlunnermut inatsimmi §157 naapertorlugu, taamatut inissinneq aaliangiussanik atorunnaarsitsinertut allannguisimanertulluunniit

isigineqassaaq, taamallu nakkutigineqarani aneersinnaaneq immikkut akuerineqaaqaarnermik piumasaqarfigineqarunnaarluni, tassa taamatut ililluni iperagaanertut inissisimalissalluni, tak. imm. 1.

§ 6. Eqqorneqarsimasoq tamatumunnga saaffiginnissuteqarsimappat, taava taanna aamma ilisimatitsissuteqarfigineqassaaq, pinerluuteqarsimasoq piumasarineqartut § 1, 2 aamma 3-mi taaneqartut naapertorlugit, TV-kkut radiukkulluunniit aallakaatinneqartussamik ilisaritinneqarluni apersorneqarpat. Taaneqartunut atatillugu, tamannalu ilisimatitsissuteqartussaasup ilisimasaqarfigippagu, sapinngisamik ilisimatitsissutigineqassapput suna programmi aallaavigalugu ajornanngippallu qaqugukkut aallakaatitassiaasoq takutinneqassasoq ajornanngippallu ilanngullugit aallakaatinneqarnissaanut nalunaquttap qanoq ilineratigut pinissaa naatsorsuutigineqartoq imal. qanoq ilineratigut apersuisimaneq saqqumiunneqassasoq naatsorsuutigineqartoq.

§ 7. Eqqugaasimasoq pinerluuteqarneq peqqtugalugu toqukkut qimagussimappat, § 5, imm. 1 aamma § 6 tunngavigalugit, tamannalu pineqartumit saaffiginnissutigineqarluni kissaatigineqarsimappat, eqqugaasimasup qaniginerpaasai ilisimatitsissuteqarfigineqassapput.

§ 8. Pineqaatissiffimmiittussanngorlugu allatulluunniit nakkutigisaalluni inissisimasussanngorlugu pineqaatissinneqarsimasoq imaluunniit tarnimikkut napparsimasut inaannut pinerluttunik isumaginnittoqarfiup ataani Danmarkimi inatsisit atuuttut malillugit inissinneqartussanngorlugu pineqaatissinneqarsimasoq pillugu ilisimatitsissuteqarnissaaq, pinerluttunik isumaginnittoqarfimmiit pissaaq. Eqqugaasimasoq ilisimatitsissuteqarfigineqassatillugu, Politidirektørimit kriminalforsorgi (pinerlunnermut tunngasunik nakkutilliisoqarfik) ilisimatinneqassaaq, pineqartoq sumut inissinneqarsimasoq.

Imm. 2. Pinerlunnermut inatsisimmi § 157 tunngavigalugu inissiivimmuut inissitassanngortillugu pineqaatissinneqarsimasoq pillugu ilisimatitsissuteqarneq unnerluussisussaataitasunit pissaaq, taannami pinerlunnermut inatsimmi § 159, imm. 1 naapertorlugu eqqartuussivikkoortumik aalajangiinernik nakkutilliisussaammat. Politidirektørip paasissutissiissuteqarfigissavai napparsimmavik, immikkoortortaqarfik imal. qallunaat kommuniat attuumassutilik aammalu unnerluussisussaataitaasoq, eqqugaasimasoq ilisimatitsissuteqarfigineqassappat. Taava napparsimmavik, immikkoortortaqarfik imal. ingerlatsivik il.il. erngertumik unnerluussisussaataitaasumut nalunaaruteqassapput, nakorsaanermit imal. qallunaat kommuniat attuumassuteqartumit pineqaatissinneqarsimasoq siullermeersumik nakkutigineqarani inissiiviusup avataanut anisnaatitaassappat, aamma pineqaatissinneqarsimasoq qimaasimappat. Napparsimmavik, immikkoortortaqarfik imal. inissiivittut ingerlatsivik il.il. aamma erngertumik unnerluussisussaataitaasumut nalunaaruteqassapput, pineqaatissinneqarsimasoq § 1, 2 aamma 3-mi immikkoortuni taaneqartut piumasarineqartut naapertorlugit, pineqaatissinneqarsimasoq TV-kkut radiukkulluunniit aallakaatitassiami peqataassappat apersorneqarluniluunniit ilisaritinneqassappat.

Imm. 3. Pineqaatissinneqarsimasoq pillugu ilisimatitsissuteqarneq, unnerluussisup peqqusineratigut Kalaallit Nunaanni Politiinit pissaaq, pineqaatissinneqarsimasoq pineqaatissiissutaasumik eqqartuussivikkut inaarutaasumik nalunaarutiginninnermi iperagaappat, sioqqullugu tigummigallagaasimanini peqqutigalugu naammassineqartutut tamanna nalilerneqarmat. Pineqaatissinneqartoq inaarutaasumik pineqaatissiisummik nalunaaruteqarnermi najuuppat, taava tamanna tassunga ilisimatitsissuteqarsimanertut isigineqassaaq.

Kapitel 4

Atuutilerfissaa

§ 9. Nalunaarut 1. januar 2023-imiit atuutilissaaq.

Inatsinik Atuutsitsinermut Ministereqarfik, Ulloq 19. december 2022

Peter Hummelgaard

/ Marie Green